

جەزىئە حەكەمەت

نومرو ۱۷ جمادى الاخر سنه ۱۲۹۰
 بازار ايرتسى ۳۰ تموز رومى سنه ۱۲۸۹
 خيفه ۲۰۱

اشبوغزته بهر هفتة بازار ايرتسى كونلى چيقار . سنه لىكى برعثمانلى يوزلك التوننه وبهرنسخه سى
 شمديلك ايكيشر غروشه اوله رق هر يرده صايتلور . سنه لىكنه مشترى اولق استيانلر
 مكىب صنايع مديركلكنه مراجعت ايتليدر

۹ جمادى الاخر سنه ۹۰ تاريخيه تمير حقوق
 دأره سندن ويريلان اعلام صورتك مابعديدر
 حين استينافنده طرفيندن ويريلان لايحه وخصوص
 مبحث عنك ميرزه حواله اولنديغى ائناده طرفيندن
 ويريلان قومپرستى سندن ودرجه اولى اعلامى
 نظردقيق ومطالعهدن كچورلدكن صكره كيفيت
 لى المذاكره مستدعى تمير قسطنطى پايا دولونك
 ديوان تمير اعلامى عليهنده كرك لايحه سنده محرر
 اولان وكرك وكيلى يوركى واسيليدى طرفندن
 برمنوال مشروح شفاها درميان اولنان اعتراضدن
 لك باشليجه سى ديوان تمير اعلامنده ائناى محاكمده
 ويريلان لايحه وقونطوراوسندى مندرجاتى
 وحين محاكمده وقوعبولان افاداتى نه دن عبارت
 ونهجه تله حكيم سزايدوكى تصريح وبيان اولتمسزين
 يالكز درجه اولى اعلامى الى بعد الحكاية حكيمى
 تصديق قلمش اولديغندن ديوان احكام عدليه
 نظامنامه داخيسنك اون برنجى ماده سى موجبجه
 اعلام مزبورك نقضى لازم كله جكي ماده سى اولوب
 واقعا اعلام مزبورده درجه اولى قرارى حكاية
 اولندقدن صكره اشبو قرارك موافق اصول اولديغنه
 قرار ويرلديكى مرتقم بولنش ايسه ده قرار مذكورك
 نهجه تله اصولنه موافق اولديغى تصريح وبيان
 قلماش طرفيندن انسان اوراق قرائت اولندى
 دينلديكى وبوركه دأره ده مطالعه اولنان استيناف
 لايحه سنده سكر بند اعتراض كورلديكى حالده
 اشبو اعتراضك رد ويا قبول اولنديغى دنى اعلام
 مزبورده كوسترمامش اولديغنه واشبو اصول ايسه
 اصول محاكمه يه كلى امعاير بولنديغنه بناء مبحث
 عنه اولان ديوان تمير ولايت اعلامى ديوان احكام
 عدليه نظامنامه داخيسنك ايكنجى ماده سى موجبجه
 نقض ايداش وبنابرین اعتراضات سائرته تدقيقه
 حاجت قلماش اواخين كيفيت منقوض بقى نظامنامه
 مذكورك التمش طسوزنجى ماده سى منظوقجه
 قيدى بالاسنه شرح ويرلسى وورده اعلام ساق
 الذكرك زيرى درت اعضا طرفندن تحميم ورئيس
 افندى ايله ديكر ايكي نفر اعضا جانبندن مخالف
 رأى تحشيه قلمش وشو صورتله اعلام مذكورك
 حكيمجه اتحاد آرا حاصل اوله ماش ايكن دن

ویائی و دیگر استغفار نام کسسه ز ایله بینام قریه سی اهالیسندن طوبجی اوغلی مصطفی بیننده اولان دعوایه دایر دیوان تمیز ولایتد ویریلان مضبوطه تک تمیزی استعدا و اوراق متفرعه سی انقره ولایتندن دیوان احکام عدلیه بهت و اسرا اولمغله تمیز حقوق دایره سنده مطالعه اولندی

مضبوطه مذکوره ۲۴ محرم سنه ۱۲۹۰ تاریخله مورخ اولوب خلاصه مآلی مرقوم قسطنطین ورفقاسنک انشا ایلدکلی ابیه دن طوایب مصطفادن مطلوبلری اولان اون بیک غروشک تحصیل دعوای ایللری اوزرینه ابیه مذکوره کشف ایتدیرلده بشیک طقوز یوز غروشک مصرفه وجوده کله جکی اکلاشیله رق مبلغ مزبورک تحصیل غیاباً حکم و اعلام اولمش ایسه ده مرقوم مصطفی مدت نظامیه سی طرفنده اعتراض علی الحکم اتمکله طرفین حکم غیابیدن اول بولندقلری حاله ارجاع ایتدیرلرک اولباده اجرا اولنان محاکمه ده مرقومک یالکز بیک درتوز غروش دینی کورندیکندن مبلغ مزبورک کندوسندن بالتحصیل مرقومونه اعطاسنه قرار ویرلدیکی متضمن بولمشد

مرقوم قسطنطین ورفقاسنک وکیل کش کردان اوغلی میخالاک میهرله مختوم اعتراضنامه ده دیوان تمیز ولایتده مرقوم مصطفانک اعتراض علی الحکم عرضحالی اوزرینه طرفین حکم غیابیدن اول بولندقلری حاله رجعت ایتدیرلش ایسه ده بواشده طرفینک دیوان تمیزه جلب اولنامه سی محاکمه به حاجت کوریله مامسندن نشأت ایلدیکی و محاکمه به دعوت اولنیده کلیانلرک اعتراض علی الحکم استعاسنه نظاماً حتی اوله یلور ایسه ده بویه عدم لزومه مبنی هیچ دعوت اولنیلر حقیقه ویریلان حکم غیابی عد اولنیه جفی

اعلامده درجه اولی حکمنک تصدیقه اتفاق آرا ایله قرار ویرلدیکی تحکیمه وایان اولمش و بواشده بیک چوق بردقتسزک اثری اوله رق حالا و مصلحه مسئولیت قانونیه ی دعوت ایدر احوالندن اولمیله بعدما بویکی حالانک وقوعه کتورللماسنه متماداً دقت واعتنا اولمسنک دیوان تمیزه توصیه وتنبیه قلمسی خصوصارینک یانبه ولایتنه اشعار یورلوسنه ومدعی علیه وکیل علیکساندری دیوان تمیز ولایت اعلامنک تقضی تقدیرنده کیفیتک محله حواله اولنوبوب دیگر بر محکمه به حواله سنی اثنای محاکمه ده بیان ایلدیکندن بوبیده بر سبب قانونی اتیاننه مقتدر اولوب اولدینگی کندوسندن سؤال اولمق اوزره دیگر طرف وکیل ایله برابر دایره کتوریلرک کیفیت کندوسنه تفهیم اولدینگی معقب مدعی وکیل یورکی واسیلادی دعوانک درسمادجه استینافاً رؤیتی کیفیت موافقت ایلدیکتی سولش و محکمه تمیزک حکمنی تقض ایلدیکی اعلامک حاوی اولدینگی دعوائی یا اول اعلامی ویرن محکمه استینافیه و یا خود بر محکمه استینافیه حواله ایله رؤیت ایتدیرمی دیوان احکام عدلیه نظامنامه داخلینک مقدمه سی منطوقجه مجاز بولمش اولدینندن دعوائی بحوث عنهانک دخی اصول وقاعدیه سی وجهله استینافاً رؤیت وتدقیق ضمننده درسمادت محکمه استینافیه سنه حواله اولنسنه و اعلام وتبلغ خرجی اولان ایکوز یکریمی غروشله اوچ عدد بیاض مجیدیه تک بعده حقسنز چیقان طرفه رجوع اتمک اوزره اول امرده مرقوم قسطنطی پاپادوبلودن النسنه قرار ویرلدی وصورت قرار طرفین وکیللرینه تفهیم قلندی

تمیز حقوق دایره سندن ویریلان اعلام صورتیدر
انقره ده طاشجی قسطنطین و نیقوله واستغفار

جهتله مرقوم مصطفانک اعتراض علی الحکم استعاسنه حتی اولدینگی و غیابی فرض اولنسه بیه مرقوم مصطفی حبس اولنوب حبسی ایسه نظاماً اجرادن معدود ایدوکندن بوحاله کوره حق اعتراض ساقط اولدینگی و دیوان احکام عدلیه نظامنامه داخلینک ایکنجی و اوچنجی ماده لری موجبجه کیفیتک تمیزاً رؤیتی بیان اولمشد

کیفیت لدی التذکر وکیل مرقوم میخالاک عدم لزومه مبنی محکمه به هیچ دعوت اولنیلر حقیقه ویریلان حکم غیابی عد اولنیه جفی و غیابی فرض اولنسه بیه مرقوم مصطفی اجرا ایچون حبس اولدینندن حق اعتراض ساقط اولدینگی درمیان ایش ایسه ده محکمه به دعوت اولنوبده کلیانلرک و یا خود کلوبده محاکمه و مجاوبه دن امتناع ایدنلرک اعتراض علی الحکم صلاحیتی اولدینگی اصول محاکمه نظامنامه سنده مصرح اولنسنه نظراً هیچ دعوت اولنیلرک اعتراضه حتی اولویتده قالدیجی مثلاً اگرچه مرقوم مصطفی حکم غیابینک اجراسیچون حبس اولمش ایسه ده حکم مذکورک کندوسنه تبلیغ قائمقسنزین حبس اولدینگی و حبسنک اوچنجی کونی اعتراض علی الحکم استعاسنی اعطا ایلدیکی مضبوطه مزبوره مندرجاتندن اکلاشیلوب غیاباً ویریلان حکمک محکومه تبلیغی تاریخندن اعتباراً اون بش کون مرور اتمکجه اجراسی جائز اوله به جفی اصول محاکمه نظامنامه سنک یتش برنجی ماده سنده مصرح اولمق حسیله تبلیغدن اول وقوعبولان حبس دخی اجرا عد اولنیه جفندن ذکر اولنان ایکی اعتراض مجروح اولوب انجق دیوان احکام عدلیه نظامنامه داخلینک ایکنجی و اوچنجی ماده لری موجبجه کیفیتک تمیزاً رؤیتی مذکور اعتراضنامه ده محرر اوله رق مزبور ایکنجی ماده نک ایکنجی

فقره سی حکمنجه بر محکمه تک صلاحیت و اذونیت نظامیه سی خارجنده برایش رؤیت ایتسی تقضی موجب اسبابدن بولندینندن و دیوان تمیز ولایت بواشی بدایه رؤیت و حکم ایدوب دیوان مذکور ایسه یالکز استینافاً رؤیت دعوایه مأمور بولندینگی حاله بدایه دعوا رؤیت و حکم ایلسی صلاحیتی خارجنده کورندیکندن مذکور ایکنجی فقره موجبجه مضبوطه مزبوره تقض ایدلش اولمیله کیفیت منقوضیتی قیدی بالاسنه شرح ویردیرلکدن صکره ایشک محلی مجلس تمیزنده مجدداً و بدایه رؤیت ایتدیرلشی و اوردن ویریله جک حکمه احد طرفیندن اعتراض وقوعبولدینگی حاله اولوقت دیوان تمیز ولایتده استیناف اولنسی خصوصارینک ولایت مشار الیه به بیلدرلسنه و برده محکمه وکیل مرقوم میخالاکینک اعتراضنامه سی مرقوم مصطفایه تبلیغ اولنهرق اندن جواب لایحه سی النقدن صکره طاقله اوراقک ارسالی نظامی اقتضاسندن اولدینگی حاله لایحه جوابیه التمسزین اوراق کوندیرلش و بنابرین مدعی علیک جوابی استماع اولنامه ش ایسه ده انفا بیان اولدینگی و جمعه دیوان تمیز ولایت وظیفه سی خارجنده ایشه باقش اولدینگی جهتله طرفین جلب و محاکمه اولنسه بیه ینه مذکور مضبوطه تک تقضی امرطیبی اولوب بناء علیه طرفینک جلب واستجوابندن صرف نظر قلمش اولمغله بعدازین بو مثلاً دعاوی به متعلق اوراقک نظامی دایره سنده اوله رق ارسال اولنسی و غیابی اعلاملر محکوم اولان طرفه اصولی وجهله بالذات تبلیغ قلمقسنزین وتبلغندن اون بش کون مرور اتمکسنزین محکومک حبسی وتضییق ایتدیرلماش و ایشبو اعلامک خرجی اولان بش عدد بیاض یکریمک مجیدیه ایله تبلیغ خرجی بولنان اوچ مجیدیه تک ایلروده حقسنز چیقه جق طرفه راجع اولمق اوزره

مرقوم قسطنطين ورفقاسندن بالتخصیل دیوان احکام عدلیه و زنه سنه ارسال اولنسی خصوصاً صلیونک دخی ولایت مشارالیه یازیله حق تحریراته درج و علاوه ایدلسنه قرار ویرلدی

✱ تمیز حقوق دأره سندن ویریلان اعلام ✱
✱ صورتیدر ✱

کرید ولایتی دیوان تمیزندن ۸ صفر سنه ۸۹ تاریخیله ویریلان اعلامک تمیزی مستدعی قندیله یوانی ملیسیدی نام کسنه نك دیوان احکام عدلیه ویردیکی ۹ جاذی الاولی سنه ۸۹ تاریخی عرضحال اوراق متفرعه سیله برلشدیرلرک تمیز حقوق دأره سنده مطالعه اولندی

اعلام مذکورک مالی مرقوم یوانینک متوفی چلبی افاده اولان مطلوبه مقابل مرقومک وفاتندن صکره سکوسترو ایلدیکی املاکندن استیفای مطلوبه صلاحیتی اولدیغنه قندیله تجارت محکمه سندن حکم و اعلام اولنمش ایسه ده سائر الاجلوز طرفندن وقوعبولان ادعا اوزرینه کیفیت تجارت نظارت جلیله سندن بالاستفسار جواباً وارد اولان تحریراته بر دایک الاجفی قانون تجارتده امتیازی عد اولنان مطلوباندن اولدیغی و مدیونک بشقه اشخاصه دخی دینی بولندیغی حالده داین مرقومک اجرا ایتدیکی سکوسترو ملا بسه سیله الاجفی امتیازی اوله میوب سائر اصحاب مطلوب ایله برابر متوفانک ترکهنه مراجعت ایتسی لازم کله جکی ازبار بیورلش اولدیغی کبی تحریرات مزبورنه وروندن اول اجرا اولنان سکوستروزه دأر ویریلان اعلامات حقنده نوجهله معامله اولنمق لازم کله جکی مجلس اداره دن لدی الاستفسار بولردن تحت سکوسترویه النوب صائلش و اچمسی بالتخصیل امانت صورتیه قالمش اولان املاک حقنده اعلاماتک حکمی اجرا اولنمش دیمک اوله جمندن معاملات

مقتضیه سی نه ایسه اجرا واکمال اولنهرق جواب مذکورک وروندن اول ویاخود ورودی صره سنده اجرا اولنوب برعلته مبنی موقوف قالمش اولان سکوسترو حقنده تحریرات مزبوره حکمه توفیقاً معامله اولنسی صورتی قرارلشدیرلش ایدوکنه و مرقوم یوانی یدنده بولنان اعلام حقنده برکونه معامله اجرائیه وقوعبولدیغی محکمه مزبوره اعلامندن منقهم اولدیغنه بناء اعلام مذکورک فسخنه و فقط اعلام مذکور مرقوم یوانیه تبلیغ اولنمش ایسه کندوسنه تبلیغ اولنهرق مدت نظامیه سی طرفنده استیدیکی حالده ایجاب ایدن محکمه ده استیناف دعوی انلکه حق و صلاحیتی بولنسنه قرار ویرلدیکی میندر

مرقوم یوانینک ۲ ایلول سنه ۸۸ تاریخی اعتراض لایحه سی یدی فقره دن عبارتدر برنجیسی قندیله تجارت محکمه سنک اعلامی نظامی دأره سنده اولهرق نه متوفانک ورته سی طرفندن ونه ده سائر اصحاب مطلوب جانبندن استینافی اولندیغندن حکمک باقی اولمق لازم کله جکی شاملدر ایکنجیسی سکوسترو اولنان املاک اعلام مزبور موجبجه مزایده سی اجرا اولندقدن بشقه طالبی عهده سنه فراغک دخی تصدیق قلندیغی مخطردر اوچنجیسی کندوسنک املاک مذکوریه هیپسندن اول سکوسترو ایتدیکی سائر اصحاب مطلوب معترف اولدقلری کبی متوفانک ورته سی دخی سکوسترو نامه سی قبول و تصدیق ایدرک املاک مزبوره ده اولان حصه ارثیه زندن واز کچمش اولدقلری حاکیدر دردنجیسی تحریرات مجبوت عنها یدنده بولنان اعلامک تاریخندن صکره وارد اولدیغندن حکمک مابله شمول اوله میه جغی میندر بشنجیسی تحریرات مذکورنک اعلانند صکره دخی بومللو سکوسترونک اجرا ایدلمکده اولدیغی متضمندر التخیسی ویدنجیسی اعلام مذکور علیهنه نظامی

وجهله برکونه اعتراض وقوعبولدیغی حالده دیوان تمیزدن فسحنی مخالف قانون اولدیغندن دیوان مذکور اعلامک تقضی استدعاسندن عبارتدر مرقوم یوانینک املاک مجبوت عنهای سکوسترو ایتکه صلاحیتی اولدیغنه دأر محکمه مزبوره دن اولجه برکونه اعلام اولوب اولدیغی کرید ولایتندن لدی الاستعلام وارد اولان ۲۸ صفر سنه ۹۰ تاریخی تحریرات جوابیه ده اوله بر اعلام اولدیغی ازبار قلمشدر

کیفیت لدی المذکره مارالبیان دیوان تمیز ولایت اعلامک طرفین اصولنه توفیقاً دیوان مزبوره جلب رشاکه اولنمقسزین تنظیم واعطای قلندیغی مطالعه سندن اکلاشلدیغی مثلاً بوخصوصده قننی طرفندن استیناف استدعای ویرلدیکنه دأر متنده بر اشرت دخی کوریه میوب بوایسه معایر نظام بولندیغندن دیوان احکام عدلیه نظامنامه داخلینک ایکنجی ماده سی موجبجه اعلام مذکور تقضی اولنمغه کیفیت منقوضیتی نظامنامه مذکورک التمش طقوزنجی ماده سی موجبجه قیدی بالاسنه شرح ویرلدکن صکره دعوی مجبوت عنهانک اصول ونظامی دأره سنده یکیدن دیوان تمیز ولایتده رؤیت اولنسی وشوقدرکه دیونی املاکی قیمتندن متجاوز اولان مدیونک عهده سنده بولنان املاک و اموالک فروخته له داینلرینه غرامه اعطاسی واکر داینلردن برینک الاجفی رهن و بیایع بالوفا وسائر بوکبی صورتلردن بریله تأمین اولنمش ایسه اول الاجفک دیون سائرده دن امتیازی عد اولنسی نظامی اقتضاسندن اولوب یوخسه سکوسترو یعنی حجر اصول ونظامی دأره سنده اولهرق اجرا اولنمش اوله سیله مستوجب امتیاز اوله میه جغی کبی الاجفی متابلنده مدیونک املاکی حجر ایتدیرن برداین تاریخ حجردن مدت معینه سی طرفنده دعوایه قیام ایدر وسائر اصحاب مطلوب مطالبه

حقوقه قیام ایتکسزین املاک محجوره یی فروخت ایتدیرر ایسه اولخالده اتمانندن استیفای حقوق ایده بیلسی مجاز اولدیغنه و مرقوم یوانی متوفای مرقومه اولان الاجفنه مقابل سکوسترو ایلدیکی املاک فروخته قیام ایلدیکی صره ده حاجی اوغلی عارف ایله ایکی نفر رفقاسنک کفالتلریله متوفای مرقومک ایتم و اسلام صندیغنه اولان دینسندن طولایی املاک مرقومه کفیلان مرقومان طرفلندن دخی سکوسترو اولندیغی اکلاشلدیغنه بناء بوراسنک قاعده مشروحه یی توفیق و متوفای مرقومک ورته سی مورثلرینک ترکهنه وضع ید ایتدکلری مستدعی یوانک آخرینی دخی توکیله مأذون وکیلی خرستوفور وکیراکی طرفندن برقطعه سند مصدقله توکیل اولنان رثور دردروف نام کسنه طرفندن افاده قلمسنه نظراً مرقوم یوانی متوفای مرقومک سائر داینلری حاضر اولدیغی حالده بوجه مشروح کیفیت دیوان تمیز ولایتده رؤیت و تدقیق ایداسی خصوصاً صلیونک ولایت مشارالیه اشعار بیورلسته و اعلام و تبلیغ خرجی بولنان سکر بیاض مجیدیه نک ایلروده حقسز چقه حق طرفه رجوع ایتک اوزره مرقوم یوانینک التمسنه قرار ویرلرک صورت قرار مرقومه تفهیم قلندی

✱ تمیز حقوق دأره سندن ویریلان اعلام ✱
✱ صورتیدر ✱

یواناکی اندونیادینک انطوبتو استاوریدی ایله ینلرنده اولان دعوا دن طولایی اسکدار حقوق دأره سندن ۲۷ شوال سنه ۸۹ تاریخیله ویریلان اعلامک تمیزی مستدعی اعطا ایلدیکی عرضحال تمیز حقوق دأره سنده حواله اولنمغه طرفینک لایحه نریله برلشدیرلرک مطالعه اولندی

اسکدار حقوق دأره سنده طرفینک جریان ایدن محاکمه زنده مرقوم استاوریدی یواناکی اندونیادینک

غلطه ده متصرف اولدینی برباب مغازه کندنونک دلات و معرفتیه میجای قرداشلره ایجار اولدینی حالده دلایه سنک کندنوسنه ویریه جکی حقنه یوانا کیدن برقطعه سند المش و مذکور مغازه بی اولوجمله ایجار ایش اولدیغندن بختله طقوز لیرا دلایه نك تحصيلی استدا ایشدر مرقوم یوانا کی جوابنده مذکور مغازه میجای قرداشلره ایجار اولنش و کندنوسی بروجه محرر مدعی به سند و یرش ایهده مرقوم میجای قرداشلر ذاتاً مغازه نك مستأجر بی اولدیغندن دلایه و یریه جکی بیان و بنا ایشدر بونک اوزرینه مذکور سند لدی المطالعه یانی اندونیا دی امضاسیله نمضی اولوب متنده غلطه ده یوکسک قالدیرمه متصرف اولدینی برباب دکاتی میجای قرداشلره ایجار ایله معاملات ایجاریه سنی اکل ایتدیکی حالده استاوری به نظاماً لازم کلان دلایه بی اعطا ایهده جکی محرر بولدیغنه و اگرچه مدعی علیه ک اخیراً توکیل ایلدیکی اوسته سمیون اول امرده استاوری دی دلال اولدینی اثبات ایتدیجه کندنوسنک محاکمه کریشه میه جکی افاده و بنا ایش ایهده مؤکلنک اولجه محاکمه و یرودنده دعوی تصدیق ایله برابر یالکز مستأجر اسکی مستأجر بولدیغندن دلایه و یریه جکی سویلوب بوافاده سی سندده محرر تعهدینی ابطال ایهده میه جکنه و بوقوله دلایه نك بیکه یکریمی غروش اولدینی دلالر کتخداسی طرفندن باعلم و خبر بیان قلندیغنه دینی بدل ایجار اولان درتیوز الی لیرانک بیکه یکریمی غروش حسابیله دلایه سی اولان طقوز لیرانک تحصيلنه حکم اولمشدر

مرقوم یوانا کی اندونیا دینک ۲۰ ذی الحجه سنه ۸۹ تاریخلی لایحه اعتراضیه سی ایکی بنددن عبارتدر برنجیسی مرقوم استاوری دی به اگرچه مذکور سندی و یرمش ایهده شو صورت بعضی اسباب ضروریه دن نشأت ایش و مغازه دخی دیگر بردلال

واسطه سیله ایجار اولنش ایدو کندن اسکدار حقوق داره سنده بورازی بیان اولمزدن اول استاوری نك دلال صنفنده بولندیغنی اثبات ایلدیجه ایجاری محاکمه به موافقت ایهده میه جکی ادعا ایش و بونک اوزرینه محاکمه و مجاوبه دن امتناع ایلدیکی بیانیه غیابی حکم اعطاسی لازمه دن بولمشیکن بروجه محرر اعلام کیفیت اولنسی اصول محاکمه به مغایر اولدینی متبایندر ایکنجیسی رسوم دلایه بی ایفا ایتیلره اجرت دلایه اعطاسی اقتضا ایتیه جکی کبی مجله احکام عدلیه نك بشیوز ایش و چینی مادسی منظوقجه بوباده اجرت ادعاسنه و بروجه محرر مذکور مغازه آخری معرفتیه ایجار اولدیغندن ینه مجله احکام عدلیه نك بشیوز ایش و چینی مادسی موجب کذلک دعوا به مرقوم استاوری نك حق و صلاحیتی بولندیغنی متضمندر

مدعی علیه استاوری دینک ۱۹ محرم سنه ۹۰ تاریخلی جواب لایحه سنده دخی مبالغ مدعا به بعد الحکم اخذ ایداش و اعتراضات مسروده ثم ائتدارک مقالاتدن عبارت بولنش اولدیغندن بختله اعلام مذکورک تصدیق و مصارف ایله ضرر و زیانک تضمینی اشعار قلمشدر

طرفین دائره به دعوت اولندقه مرقوم یوانا کی ایله استاوری دی بالذات کله رکه مرقوم یوانا کی طرفندن دائره ده شکری افندی توکیل اولنش اولدیغندن لدی الاستجواب هر بری لایحه سی مندرجاتی تکرار ایشدر

کیفیت لدی المذاکره مرقوم یوانا کینک استاوری دی دلال طانیوب مرقومه دلایه اعطاسنی تعهد ایلدیکی سندیه محقق بولنش و مغازه نك میجای قرداشلره استاوری نك دلات و وساطتیه ایجار اولدیغنی تصدیق ایتدیکی اعلام مذکور مآلندن مستفاد اولش اولدیغندن و او یله برسنندی میدانده و مغازه نك استاوری وساطتیه ایجار اولدیغنی کندنوسنک تصدیق

واقاراری تحنده ایکن استاوری نك دلال اولدیغنی اثبات اولندقه محاکمه به کیریشه میه جکی حقنه اولان ادعای مجروحنک محاکمه و مجاوبه دن امتناع عدلیه حکم غیابی اعطاسنه محاکمه نك نظاماً مجبوری اولدیغندن بوباده اولان برنجی اعتراضی واهی بولندیغنی کبی مجله احکام عدلیه دن بحث و بیان ایلدیکی بشیوز ایش و چینی ماده ده اجرت مقاوله ایلدیهرک بر شخص برکیمه نك طلبی اوزرینه اول کیمه خدمت ایتدکه اجرت ایله خدمت ایدر مقوله دن ایهه اجر مثل الور دکل ایهه برشی الهمز و بشیوز ایش و چینی ماده ده دخی بر دلال برمالی کردیرویده صاته مسه بعده صاحبی صاندقه اول دلال اجرت الهمز و دیگر دلال صاندیغنی تقدیرده اجرت دلایه بی کاملاً ایکنجی دلال الوب اولکیسی برشی الهمز دیو مسطور اولسنه و کندنوسی استاوری دی به اجرت دلایه اعطاسنی سند ایله تعهد ایدوب مغازه نك استاوری دی وساطتیه ایجار اولدیغنی دخی تصدیق ایتسنه نظراً مواد مذکوریه استناداً در میان ایلدیکی ایکنجی اعتراض دخی نابجا کورنش اولغله اعلام مذکورک تصدیقنه و اعلام و تبلیغ خرجی اولان طقوز غروش ایله اوج عدد بیاض مجیدیه نك یوانا کی به مراجعت ایتک اوزره استاوری دینک التمسنه قرار و یریلوب صورت قرار طرفینه تفهیم قلندی

تمیز حقوق دیره اسندن و یریلان اعلام صورتیدر

یالیزیجی خوندیک ایله تحصيلدار طروس بیننده اولان خانه دعواسنه دائر محاکمه استیاضیه دن و یریلان ۱۰ رمضان سنه ۸۹ تاریخلی اعلامک تمیزیستی مستدی مرقوم خوندیک طرفندن اعطا اولنان ۸ ذی القعدة سنه ۸۹ تاریخلی عرضحال طرفینک لایحه نریله برلشدر یله رک مطالعه اولندی

تمیزیستی استدا اولنان اعلامک مندرجاته نظراً درجه اولی محاکمه سنده اجرا اولنان محاکمه زنده مرقوم طروس شهری یوز غروش کرا ایله بلا قونطرات خوندیکه ایجار ایلدیکی خانه دن مرقومک اخراجیله برابر سکسان یدی سنه سی شباطی غایتنه قدر ایشلش اولان درت ایلک درت یوز غروش اجاره نك تحصیانی استدا ایشدر یوکا جواباً مرقوم خوندیک دخی مذکور خانه کندی مالی ایکن یکریمی بیک غروش دینه مقابل مواضمه طروسه فارغ و مواضمه به دائر النان سندک مؤخر ضایع اولدینی و ماه بیه و یردیکی یوز غروش دخی ذکر اولنان یکریمی بیک غروشک گذشته سی اولوب تاریخ مذکره قدر درت ایلک فائص اوله رق درت یوز غروش دینی قالدیغنی بالیان خانه مذکور خلیه ایهده میه جکی افاده ایشدر بونک اوزرینه مذکور خانه نك طروس زنده بولنان وقف سندی لدی المعاینه خانه نك یدی حصه اعتباریله اوج حصه سی مرقوم خوندیک و درت حصه سی زوجیه سی نیتدار خاتون عهد زنده اولدیغنی حالده ذوجان مرقومان نیتدار و خوندیک مذکور خانه بی سلخ صفر سنه ۲۸۰ تاریخنده ارغاد باشی اوغلی ترزی قالوست زوجیه سی ماریه و مزبوره دخی ۸ ربیع الآخر سنه ۸۳ تاریخنده طروس زوجیه سی قولیانو عهد سنه فراغ ایلدکن و قولیانو ۱۵ جمادی الآخر سنه ۸۸ تاریخنده وفاتی وقوعیله مذکور خانه بدروس و بیغوص نام صغیر اولادینه انتقال ایتدکن صکره طروس مذکور خانه بی بالوصایه ادهم اغایه و مرقوم ادهم اغا دخی در عقب مرقوم طروسه قطعاً و طروس دخی صغیران مرقومانه وفاء فراغ ایلدکری اکلاشلش و مرقوم خوندیک ادعا ایتدیکی مواضمه به دائر هیچ برکونه اورق ارأه ایهده ماش اولسنه مبنی ایشو مواضمه ادعای شایان استماع اولیوب ذکر اولنان خانه نك تحلیه سیله مرقوم طروسه تسلیمی و تاریخ تحلیه به قدر ایشلیه جک کرانک شهری یوز غروش حسابیله تحت

اعتراضنده اولان درت يوز غروشه برابر مرقوم خوندیکن تحصیلی خصوصاً به حکم اولمشد مرقوم خوندیک حکم مزبوری قبول ایتیموب استینافی ایتدیکندن کیفیت محکمه استینافیه ده بارویه مرقومک کرک لایحه سنده محرر اعتراضاتی وکرک اجرا قلنان محاکمه اثناسنده شفاهاً سرد ایلدیکی افاداتی مذکور خانہ بی مقدا ماریه فراخی وهؤخرأ مرقومک دخی مستأنف علیک زوجہ سی قولیانویه واقع اولان فراخی ظاهرده قطعی ايسه ده حقیقتده قطعی اولیوب وفا اولدیغنی ادعا دن عبارت بولنهرق انجی اشبو فراغک وفا اولدیغنی ناطق برسند ابراز ایدمه دیکی جوتله ادعای واقعی شایان قبول کوریله میوب درجه اولی اعلامی تصدیق اولمشد مستدعی تمیز خوندیکک وکیلی اسماعیل حق افندیکن لایحه اعتراضیه سنده محکمه استینافیه ویریلان لایحه ده محرر اعتراضات ایل شفاهاً وقوعبولان افادات تکرار اولندقدن صکره مقدا عند المحاکمه ضایع ایلدیکی بیان اولنان مواضعه سندیک کچنده وفات ایدن زوجہ سی نیتدار خاتونک نزدنده بولنان صدق دروننده ظهور ایلدیکی بیانیله محکمه استینافیه اعلامک تقضی طلبندن عبارت بولنش ايسه ده اشبو ادعا موجب تقضی اولور اسباب قانونیه دن اولیوب فقط اعاده محاکمه بی مستوجب واعاده محاکمه دخی محکمه استینافیه عائد اوله جغندن شرائط لازمه سنک اجراسیله کیفیتک محکمه استینافیه حواله سنه واعلام وتبلغ خرجی اولان سکر عدد بیاض مجیدیکن ایلروده حتمسز حقیقه جق طرفه رجوع ایتک اوزره اول امرده مرقوم طروسدن التمسنه قرار ویریلهرک صورت قرارک تفهیمی ایچون طرفینه ایکی دفعه جلب پوصله سی کوندردلیکی وایکی طرف مذکور پوصله لری امضا ایلدکاری حالده مدعی علیه طروس دائریه کله رک مدعی خوندیکک نه کندوسی ونه ده وکیلی کدیکندن صورت قرار یالکر طروسه تفهیم قلدی

اعتراضنده اولان درت يوز غروشه برابر مرقوم خوندیکن تحصیلی خصوصاً به حکم اولمشد مرقوم خوندیک حکم مزبوری قبول ایتیموب استینافی ایتدیکندن کیفیت محکمه استینافیه ده بارویه مرقومک کرک لایحه سنده محرر اعتراضاتی وکرک اجرا قلنان محاکمه اثناسنده شفاهاً سرد ایلدیکی افاداتی مذکور خانہ بی مقدا ماریه فراخی وهؤخرأ مرقومک دخی مستأنف علیک زوجہ سی قولیانویه واقع اولان فراخی ظاهرده قطعی ايسه ده حقیقتده قطعی اولیوب وفا اولدیغنی ادعا دن عبارت بولنهرق انجی اشبو فراغک وفا اولدیغنی ناطق برسند ابراز ایدمه دیکی جوتله ادعای واقعی شایان قبول کوریله میوب درجه اولی اعلامی تصدیق اولمشد مستدعی تمیز خوندیکک وکیلی اسماعیل حق افندیکن لایحه اعتراضیه سنده محکمه استینافیه ویریلان لایحه ده محرر اعتراضات ایل شفاهاً وقوعبولان افادات تکرار اولندقدن صکره مقدا عند المحاکمه ضایع ایلدیکی بیان اولنان مواضعه سندیک کچنده وفات ایدن زوجہ سی نیتدار خاتونک نزدنده بولنان صدق دروننده ظهور ایلدیکی بیانیله محکمه استینافیه اعلامک تقضی طلبندن عبارت بولنش ايسه ده اشبو ادعا موجب تقضی اولور اسباب قانونیه دن اولیوب فقط اعاده محاکمه بی مستوجب واعاده محاکمه دخی محکمه استینافیه عائد اوله جغندن شرائط لازمه سنک اجراسیله کیفیتک محکمه استینافیه حواله سنه واعلام وتبلغ خرجی اولان سکر عدد بیاض مجیدیکن ایلروده حتمسز حقیقه جق طرفه رجوع ایتک اوزره اول امرده مرقوم طروسدن التمسنه قرار ویریلهرک صورت قرارک تفهیمی ایچون طرفینه ایکی دفعه جلب پوصله سی کوندردلیکی وایکی طرف مذکور پوصله لری امضا ایلدکاری حالده مدعی علیه طروس دائریه کله رک مدعی خوندیکک نه کندوسی ونه ده وکیلی کدیکندن صورت قرار یالکر طروسه تفهیم قلدی

تمیز حقوق دائره سندن ویریلان اعلام صورتیدر
طوبخانه ده ساکن قصاب پنايوط و یورکی وقسطی ایله نیقودوردونی بیننده اولان دکان منازعه سنه دائر استینافی محکمه سندن ۲۴ شوال سنه ۸۹ تاریخیه ویریلان اعلامک تمیزی مستدعی مرقوم نیقونک ویرمش اولدیغنی عرضحال ۲۲ ذی القعدة سنه ۸۹ تاریخنده تمیز حقوق دائره سنه حواله اولمغله اوراق متفرعه سیله براشدیر یلهرک مطالعه اولندی اعلام مزکورک خلاصه مأل منازعه فییه اولان کدکنک یوز یکریمی اچقه اعتباریله قرق اچقه سی پنايوط و یورکی وقسطی وقرق اچقه سی مرقوم نیقو وقرق اچقه سی غائب اولان نیقوله عهده سنده اولوب دکان مذکورده مهیاة برسنه مرقومون پنايوط و یورکی وقسطینک وایکی سنه کندیو طرفندن بالاصاله وغائب نیقوله جانبندن بالوکاله نیقونک اقامت ایتلری ضمنده مقدا بینلرنده عقد مقاوله اولمش وموجبجه پنايوط و یورکی وقسطی برسنه اندنصرکه نیقو ایکی سنه اقامت ایتش اولدیغندن مذکور دکانک نیقودن نزعیله مرقومونه تسلیم اولمشنه بک اوغلی بدایت محکمه سی حقوق دائره سندن حکم واعلام اولمش ايسه ده محکمه استینافیه ده اجرا اولنان محاکمات وتدقیقاتک نتیجه سنده مقاوله مجبوت عنهانک یالکر اوچ سنه ایچون اولدیغنی اونجه دقتندن کتوردیلان قیدی ایله اونجه راپورتندن منضم اولدقدن بشقه مقاوله مذکورده نک عقدندن اول حصه دارلردن حریسی بش نفر صغیر وکییر اولادینی ترک ایدرک وفات ایلدیکی وبونلردن کییر اولنلرک کندیلری ویا وکیللری وصغیر بولنلرک وصیلری حین مقاوله ده موجود بولمدیغنی طرفینک افاده سیله مقاوله قیدی زیرنده مرقم امضاردن تبین ایلدیکنه و طرفین دکان مذکور کدکنده شایعاً حصه دار اولدقلری وسائر

حصه داران بوراده موجود اولیوب ایلرنده یتیم دخی اولدیغنی ومذکورکدک مستغلان موقوفه دن بولمدیغنی جهتلره منازعه مجبوتله نک فصل وحسمی اوقاف همایون تفتیش محکمه سنه عائد بولمدیغنه بناء درجه اولی اعلامی فسخ اولنهرق کیفیتک محکمه تفتیشه حواله سنه قرار ویرلیدیکی میندر نیقونک ۱۷ ذی القعدة سنه ۸۹ تاریخلی اعتراض لایحه سی مندرجاتی درت فقره دن عبارت اولوب برنجیسی مستأنف علیهم یتیم بولنان حصه دارلرک وصیسی اولوب اولمدیغنی تدقیق اولغنی ومجهول اولان حصه ز ایچون اثنای محاکمه ده جانب محمولاتدن مأمور بولندرلق لازم کلور ایکن ایدلماسی خلاف اصول اولدیغنی شاملدر ایکننجیسی دکان مذکورک مناوبه اداره اولمشی حقنده اولان منازعه نک محکمه استینافیه ده کورلمسی اقتضا ایدوب بوکا برقرار ویرلماسی مغایر نظام ایدوکی حاویدر اوچنجیسی محکمه تفتیشه عائد اولان جهت یالکر حصه زک کمیته یتیم اولوب اولمدیغنی تدقیقندن عبارت اولوب جهات سارهنک نظاماً رؤیتی ایجاب ایتیه جکئی محتویدر دردننجیسی اعلام مذکور برنظامه مستند اولدیغندن تقضی لزومی حاکیدر لایحه مزکوره مدعی علیه تبلغ اولمش ايسه ده لایحه جوابیه ویرلماش و طرفین لاجل المحاکمه ایکی دفعه دائریه دعوت ایدلمش ايسه ده کلامش اولدقلرندن مدعینک اعتراضات سیله اوراق موجوده اوزرینه کیفیتک تدقیقنه لدی الابتدای محکمه استینافیه نک نتیجه حکمی طرفین معارضینک ذکر اولنان دکان کدکنده شایعاً حصه دار اولدقلری و حصه دارلردن بعضیلری موجود اولیوب ایلرنده یتیم دخی اولدیغنی ومذکورکدک مستغلان موقوفه دن بولمدیغنی جهتلره منازعه مجبوتله نک بالمحاکمه فصل وحسمی محکمه تفتیشه عائد بولمدیغنی مین اولوب مدعینک لایحه سنده مندرج اولان

اعتراضات مشروحه حکم مذکورک نقضی موجب اسباب قانونیه دن کوریه مامش اولغله اعلام مذکورک بالتصديق حکمک اجراسنه واعلام وتبلغ خرجی اولان سکر بیاض مجیدیه نک نیقویه عائد اولق اوزره اشبو اعلامی استیه جک طرفدن النسنه قرار ویریلوب صورت قرار مؤخرأدأریه کلش اولان پناووط و یورکی وقسطی به تفهیم اولندی

۱۱ جمادی الآخر سنه ۹۰ تاریخیه تمیز
حقوق دأره سندن ویریلان اعلام صورتیدر
یانیه ولایت دیوان تمیزندن ۱۸ رمضان سنه ۸۶
تاریخیه ویریلان اعلامک تمیزی مستدعی یانیه لی
قسطه خرسو نام کسنه نک محکمه ویرمش اولدیغی
عرضه مالک شرائط نظامیه سی بالاجرا اوراق
مترعه سیله برابر دیوان احکام عدلیه کوندرلکله
تمیز حقوق دأره سنده مطالعه اولندی
اعلام مذکورک نتیجه مؤدای ارکیریلی محمد قودوره
مرقوم قسطه ولاخویه محکوم به اولان دینی
ایچون توقیف اولمش ایسه ده مرقوم محمد قودوره
ویرمش اولدیغی دفترده محرر حیواناتدن بشقه
مالی اولدیغندن بحثله اظهار افلاس ایتکده اولوب
ارکیریده دیگر الاجقلسی دخی بولندیغنه و متصرف
اولدیغی ایکی باب منزلی مقدما نفی ملک صورتیه
اوغلنه هبه ایدوب منزل مذکورده بولنان اشیای
سأره نک اوغلنه والده سندن موروث اولدیغی محلی
ایله بالخبره اجرا اولنان تدقیقاندن اکلاشلدیغنه
ومرقومک افلاسی ماده سنه محکمه تجارتیه
یاقلیه میجغه مبنی مرقومک مملکتیه اعاده سیله
مجلس تمیز حقوق لواده سائر داینلری حاضر
اولدیغی حالده تدقیقات مکمله بالایفا سالف البیان
حیواناتدن ماعدا برشیئه مالک اولدیغی تحقیق ایلر
ایسه حیوانات مزبوره ایله برابر فروخت اولنهرق

اثمان حاصله سنک غرامه داینلرینه تقسیم ایتدیرلسی
وقصور قاله جق دینک سعه حاله تعلیق ایداسی
خصوصنه قرار ویرلیدیکنی مبین بولمشدر
مرقوم قسطه نک ۱۹ نیشان سنه ۸۸ تاریخیه
مورخ و سکر بندی شامل لایحه اعتراضیه سیله محمد
قودوره نک ۱۹ ربیع الآخر سنه ۸۹ تاریخلی لایحه
جوابیه سی دخی بعد المطالعه کیفیت نهاده موقع
تدقیق ومذاکره اولدقه مرقوم قسطه نک برنجی اعتراضی
خصوص مذکورک دیوان تمیز ولایتیه مغایر نظام
ارله رق بدایه رؤیت اولمشی ماده سی اولوب فی الحقیقه
خصوص مذکورک دیوان تمیزده بدایه رؤیت
اولدیغی اعلام مذکورک مندرجاتدن اکلاشلش
واکرچه ولایت نظامنامه سی حکمنجه ولایت دیوان
تمیزری جسم واهمیتلی دعوازی بدایه رؤیه
مأذون ایدیه ده مؤخرأ ۱۴ محرم سنه ۸۶ تاریخنده
نشر اولنان محاکم نظامیه نظامنامه سی موجبجه
حقوقه متعلق دعوازده اولان وظیفه زی استینافه
حصر ایداش ومبحث عنه اولان اعلام ایسه
۱۸ رمضان سنه ۸۶ تاریخیه مورخ بولمش
اولدیغندن اعلام مذکورک نظامنامه مزبورک
نشرندن یعنی بدایه رؤیت دعوی وظیفه سی
التدقندن صکره ویرلیدیکی اکلاشلدیغنه مبنی دیوان
احکام عدلیه نظامنامه داخلینک ایکنجی ماده سی
موجبجه نقض ایدلش وبوجه تله اعتراضات
سأره نک تدقیقنه محل قالمش اولغله اعلام مزبورک
کیفیت منقوضیق نظامنامه مذکورک التمش
طقوزنجی ماده سی منظوقجه قیدی بالاسنه شرح
ویرلکدن صکره خصوص مبحث عنیهک بدایه
عائد اولدیغی قضا مجلس دعاویسنده فصل
ورؤیت اولمشی واکر محمد قودوره نک اموال
واملاکک فروخته قرار ویریله جک اولور ایسه
دین ایچون اموال غیر منقوله نک فروختی حقنه
اولان نظامنامه ایله ربیع الاول سنه ۷۹ تاریخیه

باراده سنیه قرار کیر اولان فقرات نظامیه ده
مندرج مواد احکامنه تمامیه توفیق معامله ایدلسی
اولوبلده مجلس دعوی قضا دن ویریله جک حکمه
احد طرفیندن اعتراض اولنورایسه اصولنه توفیقاً
یامجلس تمیز لواده و یادیوان تمیز ولایتیه استینافاً
کیفیتک رؤیت وتدقیق وحکم استینافه دخی تعرض
اولنه جق اولورایسه اولخالده دیوان احکام عدلیه جه
بتکرار تمیزاً تدقیق اولمشق اوزره قاعده سی وجهله
بوطرفه اشعار وتیق قلمسی خصوصلرینک یانیه
ولایتیه اشعاریه ومرقوم قسطه نک بر منوال
مشروح تدقیقندن صرف نظر قلنان اعتراضیه
افادات سائر سنی دعوانک وجه محرر اوزره بدایه
حین رؤیتنده درمبان ایتسی اقتضا ایده جکنه
واعلام وتبلغ خرجی اولان سکر عدد بیاض
مجیدیه نک بعده حقسنز چیه جق طرفه رجوع
ایتمک اوزره اول امرده بوراجه حقی چیقان مرقوم
قسطه دن النسنه قرار ویرلیدی وصورت قرار
مرقوم قسطه نک وکیل دیمتری مالیادی جلب ایله
وکالتنامه سی التدقندن صکره کندوسنه تفهیم
اولندی

تمیز حقوق دأره سندن ویریلان اعلام
صورتیدر

مانیفاتوره جی پیکانلی کراغوص ایله خواجه پاشا
جوارنده ساکن حزار اوغلی کرقرور بننده
تکون ایدن دعوایه دأر در سعادت بدایت محکمه سی
برنجی حقوق دأره سندن ویریلان ۹ صفر
سنه ۹۰ تاریخلی اعلامک تمیزی مستدعی مرقوم
کراغوص طرفندن اعطا اولنان عرضحال واعلام
مذکور طرفینک لایحه زیله برلشدیریلهرق حقوق
دأره سنه حواله اولنمله قرائت ومطالعه قلندی
مذکور اعلامک خلاصه مآلی مرقوم کرقرور
خیمی کراغوصک قرداشلریله اولان دعواسنه

کندوسنی توکیل ایتلسی اوزرینه برمدت مرافعه
ومحاکمه اولش ایسه ده مؤخرأ کراغوص قرداشلریله
صلح اولدیغندن اجرت وکالت اولهرق کندوسنه
اعطای مقاوله سندی احکامندن بولنان اوتوز
عدد عثمانلی لیراسندن غیر از تسلیم قصور قلان
اون بش لیرانک تحصیلنی ویرده مرقوم کراغوص
عمیسنندن ادعا ایتدیکی اچقه تحت حکمه الندیغی
تقدیرده یوزده یکریمی ویرمک مقاوله سیله مرافعه
ومحاکمه سنه کندوسنی توکیل ایتش و بونک اوزرینه
کندوسیده اوچنجی مجلس تجارتیه محاکمه ایتدار
ایتش ایسه ده خصوص مذکورده دأر یدنده بولنان
سند و اوراق مرقوم کراغوص اخذ ایتسیله اتمام
محاکمه موفق اوله مدیغندن سبقت ایدن خدمتی
مقابلنده مستحق اولدیغی اجرتیه واقع اولان
مصارف نک الیورلنی و یا خود اتمام محاکمه ایله استیفای
حق ایتک اوزره اوراق مذکورده نک طرفنه
تسلیم ایتدیرلسنی دعوا ایتش ومرقوم کراغوص
برادرزیه اولان دعوایه متعلق مقاوله سندی
وکیفیت صلحی بعد التصدیق سندک حاوی اولدیغی
اوتوز لیرادن اون بشنی پشین اولهرق ویروب
قصور اون بش لیرا ایله برابر خصوص مذکورک
مصارف ایچون یوز انش عدد عثمانلی لیراسی ویرمش
ایسه ده احتیاجه صالح یدنده برسند اولدیغی
جهتله اثباتدن عاجز اولدیغی و عیسی جحاطوردن
ادعا ایتدیکی مبالغ ایچرن فی الحقیقه مدعی بی توکیل ایتش
وبوبایده اولان دین سندنه دخی بعض شرائط
بولمش ایسه ده حصه دارانندن برینک وقوع
وفاتی جهتله مذکور دعوی هنوز فیصل پذیر
اولدیغنی بیان وانهالیش اولدیغندن کیفیت لدی المذاکره
مرقوم کراغوص معترف اولدیغی مقاوله سندنه
مندرج اوتوز لیرادن ختام محاکمه ده ویرلسی مشروط
اولان اون بش لیرانک اعطاسنی اثباتدن اظهار
عجز ایش ومدی کرقرور صلحاً تسویه دعوی ایتش

اولسه دخی مذکور اون بش لیرانک ویریله جکی سند مذکور کجمله احکامندن بولنش اولسی جهته مذکور اون بش لیرانک مع فائض کراغوصدن تحصیلنه ومدعی کرقورک مدعی علیه کراغوصک عیسی علیه نه اقامه ایتدیکی دعواسنه کندوی وکیل ایتدیکنندن طولانی اداسنده بولندیغی اجرت وکالتک حکم اولنه جق مبالغدن ویرلمسی مشروط اولدیغی ودعوی مذکور هروز فیصل ویرلمیوب ترک ایدلش ایدوکنی معترف اولدیغندن بوبنده اجرت استمکه ودعوی مذکوره دوام ایداسی حقنده مدعی علیه مرقومی اجبار ایتمکه صلاحتی اوله میه جفته قرار ویرلدیکی متضمندر

کراغوصک ۲۲ رجب سنه ۹۰ تاریخلی اعتراض لایحه سنده ایشک صورت جریاندن بحثله مرقوم کرقوری قریداشلری وساره زیله اولان دعوازی ایچون ایکی قطعه مقاوله سندی موجبجه توکیل ایشک ایسه ده مرقومک بشین اوله رق کندوسندن اخذ ایتدیکی ویدندن الوب خارجه صاندیغی و بونلرک حاوی اولدیغی یوز بوقدر عثمانلی لیراسنی ذمتنه کچوردیکی حالده برنجی مقاوله دن باقی قلان اون بش لیرابی اجرای خدمت و ختام مصلحت ایتسکسزین اوزرینه حکم واعلام ایتدیرمسی حقسنز اولدیغندن تمیزاً بارویه حکم مذکورک اصلاحیه برابر مرقوم کرقورک مأخوذی اولان لیرانک مع فائض ومصارف تحصیل افاده واستدعا اولمشدر کرقورک ۲ ربيع الآخر سنه ۹۰ تاریخلی جواب لایحه سنده دخی کراغوصک لایحه سنده اعلام حکمی علیه نه قانوناً قبول اولنه جق برکونه اعتراض کوریله میوب مندرج اولان سوزلر ایسه برنجی حقوق داره سنده درمیان ایلدیکی افادات واهییه سنک تکرارندن عبارت اولدیغی وامر وکالتی ایفا ایلدیکی اعتراضی تحتنده بولندیغی بیانیله اعلامک تصدیق ایدلمسی محرردر

طرفین دائرینه استندلکده مرقوم کراغوص شگری افندی ایله برابر و حزار اوغلی کرقور بالذات کلوب کراغوص شگری افندی بی شفاهاً محاکمه یه توکیل ایلدکدن صکره صورت ادعا و افاده نری سؤال اولندقدیه ایکی طرف دخی لایحه نری مألنی تکرار ایتلریله ایجابی لدی المذاکره کراغوصک لایحه سنک فذلکده مفادی مرقوم کرقور یوز بوقدر عثمانلی لیراسنی ذمتنه کچوردیکی حالده برنجی مقاوله دن باقی قلان اون بش لیرانک تحصیلنه حکم ایتدیرمسی حقسنز اولدیغندن مذکور لیرانک تحصیلی استدعاسندن عبارت ایسه ده مذکور اعلامک نتیجه حکمی کراغوصک قبول وتصدیق تحتنده بولنان مقاوله سندن مندرج اوتوز لیرادن اون بشی ویردیکی اثبات ایده مدیکندن بونک مع فائض تحصیلنی متضمن اولوب مذکور یوز بوقدر لیرا حقنده برکونه ادعا و قرار سبقت ایتامش ایدوکنندن بوحالده کراغوصک اشبو افاده سی اعلامک تقضی موجب اوله مامغله بالتصدیق حکمک اجراسنه ومذکور یوز بوقدر لیرا ایچون بشقه جه ویردیکی غرضحال برنجی حقوق داره سنده حواله اولندیغی وکیل شگری افندی افاده ایلدیکنندن کراغوصک استدیکی لیرانک محاکمه سنی رؤیت ایتدیرمکه صلاحتی اولدیغنه واعلام وتبلغ خرجی اولان اون بش غرض ایله اوچ و بیاض مجیدیه نک کراغوصه عائد اولق اوزره کرقوردن التمسنه قرار ویریله رک صورت قرار طرفینه تفهیم اولندی

تمیز حقوق دارسندن ویریلان اعلام

صورتیدر

ارضرومده مقیم پاپاس اوغلی یانقو ایله ارضروم طوبی نقراتندن لیوانه لی حاجی محمد یلنده تبکون ایدن پولچه دعواسنه دائر دیوان استینافدن ۱۸ شوال سنه ۸۹ تاریخله ویریلان اعلامک تمیزنی مستدعی مرقوم یانقونک وکیلی نیقولاک

فیله رودی طرفندن اعطا اولنان ۱۱ ذی القعدة سنه ۸۹ تاریخلی عرضحال ولایحه تمیز حقوق داره سنده حواله اولمغله مطالعه اولندی اعلام مذکورک خلاصه مألنی مرقوم یانقو بوماده حقسنده ارضروم تجارت محکمه سندن ویریلان اعلامه بالاعتراض کیفیتک استینافاً رؤیتی استدعا وحاجی محمدک وکیلی دخی خصوص مذکورک قابل استینافی اولدیغنی بیان و انبا ایدوب اعلام مجبوت عنهمک مفادی حاجی محمدک یانقودن ادعا ایلدیکی التمس عدد عثمانلی لیراسنک ایضا اولدیغنه دائر یانقونک ابراز ایلدیکی پولچه نک ساخته اولدیغی اکلاشمسی اوزرینه مبلغ مزبورک تجارت محکمه سنده دیوزیتو ایتدیرلمسینه قرار ویرلدیکی مین بولنش واکرچه بودیوزیتو ماده سنک نه اسبابه بناء قرار تحتنه الندیغی اعلام مذکوره کوسترامش ایسه ده پولچه حقنده بعده تحقیقات لازمه اجرا اولنق اوزره بوقرارک ویرلدیکی روش حالدن مستبان اولوب بوقرار ایسه دعوانک مبنی علیه اولان پولچه خصوصی ایچون برکونه حکمی احساس ایتدیرمیکندن اصل دعوی ایچون حکم ویرلماش دیمک اولدیغنه وشو حالده قرار مذکور اصول محاکمه تجارت نظامنامه سنک یوز بشنجی ماده سی موجبجه قابل استینافی اولدیغنه بناء اصل دعوانک فصلندن صکره استینافی اولنه جق اولدیغی تقدیرده اولوقت ایجابیه باقمتی اوزره اول امرده اصل ادعانک درجه اولی محکمه سنده حکم تحتنه الیرلمسی خصوصنه قرار ویرلدیکی متضمن بولمشدر لایحه اعتراضیه نک فذلکده مؤداسی دخی دیوان استیناف اعلامنده ارضروم محکمه سنک قراری قطعی اولیوب اعدادی بولندیغی جهته کیفیتک استینافاً رؤیت اولنه میه جخی واصل دعوانک درجه اولی محکمه سنده حکم تحتنه الیرلمسی لازم کله جکی کوسترامش ایسه ده محکمه مزبوره نک قراری قطعی اولدیغی مطالعه سندن مستبان اوله جغسندن اعلام مذکورک نقضیه

کیفیتک استینافاً رؤیتی استدعاسندن عبارتدر کیفیت لدی التذکر ارضروم تجارت محکمه سی اعلامنده پولچه دیو ابراز اولنان ورقیه باصلش اولان مهر مولود نامنده سکسان سکزان تاریخلی اولدیغی ومذکور پولچه نک لیوانی نام کسنه دن چکیلان قامیبال قارشولغی اولدیغی متنده محرر بولندیغی وبونک درسمانده ویریلوبده طرز ونده تبدیل ایدلمسی یانقونک دسیسه سندن نشأت ایلدیکی اکلاشمش اولدیغی بیانیله مذکور لیراز ایله یوز سکسان غروش خرج اعلامک تحصیلیه محکمه صندیغنه دیوزیتو ایدلمسینه قرار ویرلدیکی کوسترامش اولدیغی حالده بوقراره برکونه علل واسباب قانونیه بیان اولنماش اولدیغندن و بویله علل واسبابی بیان اولنماش حکم نظاماً باطل اوله رق بنابرین استینافجه محکمه مذکوره اعلامک فسخیه یکیدن محالده ایشک رؤیتی کوسترک لازمه دن بولندیغی حالده فسخ اولنماش اصول محاکمه به مخالف ایدوکنندن دیوان استیناف اعلامی نقض ایدلش واکرچه مرقوم حاجی محمد دائرینه جلب واستجواب اولنماش ایسه ده مرقومک اولجه عزیمت ایش اولدیغی تحقیق اولندیغی مثلاًو اسباب مشروحه دن طولانی اعلام مذکورک تقضی ذاتاً طبعی بولندیغی جهته بواشده طرفینک جلب ومحاکمه سنه زوم کوریله ماش اولدیغندن اعلام مذکورک کیفیت منقوضیتک قیدی بالاسنه شرح ویردیلمسی ومحلی تجارت محکمه سنده ایشک یکیدن رؤیت ایتدیرلمسی خصوصلرینک تجارت نظارت جلیله سنه اشعاری واعلام خرجی اولان یارم لیرا اون غروش ایله تبلیغ خرجی بولنان اوچ بیاض مجیدیه نک ایلروده حقسنز چیه جق طرفه عائد اولق اوزره مرقوم یانقودن التمس خصوصلرینه قرار ویرلدی

تمیز حقوق داره سندن ویریلان اعلام

صورتیدر

پترو ولدطاشو ایله قسطنطینی واسپرو یلنده اولان

دعوايه دائر محكمه استيفافه دن وري لان ۲۵ محرم سنه ۹۰ تاريخي اعلامك تميزيني مستدعي مرقوم پتروك وكلي ملتياى امضاسيله اعطا اولنان غره ربيع الاول سنه ۹۰ تاريخي عرضحال حقوق دائره سنه حواله اولنان له طرفينك لايحه نيله برلشديريله رك مطالعه اولندي

اعلام مذكوره مرقوم پتروك يوزيكرمي سهم اعتباريله ايتش سهمنه متصرف اولديغي برباب قصاب دكانى ايله برباب ميخانه كندوسنك رضاسي اولقسزبن مشركي قوچو طرفندن مرقومان قسطندى واسپرويه ايجار اولنديغندن بحشه قونطوراتك فسجيله مرقومانك ذكر اولنان دكان و ميخانه دن اخراجي حقيده واقع اولان استدا اوزرينه اجرا اولنان محاكمه ده مذكور دكان و ميخانه ك تصرفنه دار ابراز اولنان وقف سندزيله اعلامات شرعيه بيننده مباينت بولوب خصوص مدعاك فصلي مباينت مشروحه ك حل وتديقنه متوقف كورنديكندن كيفيتك اول امرده شرع شريفه حواله سنه قرار ويرايدى كوستلشدر

وكيل مرقوم ملتياى طرفندن اعطا اولنان لايحه اعتراضيه مندرجاتي درت ماده دن عبارت اولوب برنجيسى مباينت مشروحه ك تدقيق تميز حقوق دائره سنه عائد اولديغي حالده محكمه استيفافه بوراسنه دقت ايتديكني ميندر ايكنجيسى اساس دعوى مستأجران مرقومانك مذكور دكانلردن اخراجي حقه اولوب تصرف ماده سنه دائر ميدانده بركونه نزاع اولديغي حالده دعوانك رنكي تحويل اولنهرق تصرف ماده سنك ميدانه قونلمسي اصول محاكمه يه مخالف اولديغي حاويدر اونجيسى يكديكريه مباين ديلان اعلامات محاكم شرعيه دن ويرايدى كيه جهمته بولورك تدقيق ماده سنك ينه شرع شريفه حواله سي جائز اوله ميوب مرجعي حقوق دائره سي اولديغي كي اعلامات مزبوره احكامك مؤكلي

يدنده بولنان اوقاف سنداتنه مباين اولسي اوقاف همايون خزينه سي عليه نه بردعوى ديمك اوله جغندن بولك تدقيق دخی شوراي دوله راجع ايدوكي شاملدر دردنجيسى كيفيتك شرعاً فصلي مرقوم قوچونك حاضر اولسنه متوقف اولوب حاله كه مرقوم ميدانده بولنديغندن وشو حالده محكمه استيفافه اجراسي قابل اولميان برشيى حكم ايتش ديمك اولنديغندن قرار مذكورك بوجهمله دخی مخالف نظام اولديغي مشردر

مدعي عليه سادان اسپرو طرفندن وري لان لايحه جوابيه ده مرقوم پتروك اعتراضات مسروده سي واهي اولديغي كي كندوسى قوچوي دخی متصرف طانيوب مذكور دكانلري اوچ سنه دنبرو اصل متصرف اولان قسطندين استيجار ايلديكندن مرقومانك بركونه ادعائى وارايسه قسطنى يه مراجعت ايلري لازم كله جكي محرردر

طرفين دائره يه ايستلنكده پتروك برقطعه سند مصدقه آخري دخی توكيله مأذون بولان وكلي ملتياى ايله مدعي عليه بانك اسپرو ۹ ربيع الاخر سنه ۹۰ تاريخنده كلمش ومرقوم ملتياى تركيه بيلديكي جهمته طرفندن لازاراكى نام كسنه يي دائره ده توكيل ايتش اولنديغندن لى الاستجواب مرقوم لازاراكى قسطندى واسپرونك متصرف صقتيله محاكمه ايدنلري ومتصرفه عائد اولان اعلام واوراق مرقومانك ابراز ايتلري واساس دعوى مستأجران مرقومانك دكاندن اخراجي قضيه سي ايكن دكان مذكورك جهت تصرفك تدقيقه قيام ايداسى مغاير نظام اولنديغندن بحشه اعلام مذكورك تقضى لزومي تذكار واسپرو دخی جواب لايحه سي مندر جاتنى تكرار ايلدى

مبحث عنه اولان اعلامات شرعيه وتمسك مرقوماندن اخذ و مطالعه اولندقدن صكره كيفيت لى المذاكره محكمه استيفافه اعلامك تميزه حكمى مرقومان

قسطندى واسپرونك مذكور دكانلردن اخراج اولنسى حقه مرقوم پتروك درميان ايلديكي ادعاك حسمي طرفين يذرنده بولنان اعلاملر ايله تمسك احكامك حل وتديقنه متوقف وبوايسه شرع شريفه عائد بولنديغه بناء كيفيتك ايجاب ايدن محله حواله سنى بيادن عبارت اولوب فى الحقيقه طرفين يذرنده بولنان اعلاملر ايله تمسك احكامى يكديكريه مباين واعلامات مزبوره وثايق شرعيه دن اولقى جهمته تدقيق وتميزى ماده سي شرع شريفه عائد اولسنه نظراً محكمه استيفافه اعلامى يولنده اولوب پتروك اعتراضات مشروحه سي اسباب نقصيه دن كوريله ميكنندن اعلام مذكورك تصديقنه واعلام وتبليغ خرجي بولنان سكر عدد بياض مجديه ك ايلروده حقسنز حقيقه جق طرفه رجوع ايتك اوزره اول امرده مرقوم پتروك النسخه قرار ويرييله رك صورت قرار طرفينه تفهيم قلندى

تميز حقوق دائره سندن وري لان اعلام صوتيدر

بيوك يكي خانه مقيم تيجاردن تاجر اوغلى شكرى ايله بيننده اولان اله جق دعواسنك تميزاً رؤيتنى مستدعي چتور چشمه ده ساكن اصدورك ويرمش اولديغي عرضحال ايله ديوان استيفافك ۱۸ محرم سنه ۹۰ تاريخي اعلام صورتى تميز حقوق دائره سنه حواله اولنمغه طرفينك لايحه نيله برلشديريله رك مطالعه اولندى

اعلام مذكورك مالى درجه اولى محكمه سنه مرقوم شكرى فراتلى امرينه محرر اولوب كندوسنه جيرو اولنش اولان سند موجب مرقوم اصدور ذمتنده اولان يكرمي يش يچى ليرا اله جقك تحصيلنى استدا ايتش و اصدور دخی سنه كى امضاسنى بعد التصديق فراتلى ايله حسابى اولنديغندن كورلديكه مبلغ مزبوري ايفالده ميه جكنى ايتش

ايسه ده اشبور افاده سي شخص ثالث بولنان شكرى يه تعلق ايدر شى اولنديغندن مبلغ مزبورك تحصيلنه حكم اولنش ومرقوم اصدور حكم مذكورى قبول ايتوب بوخصوصه فراتلنك دخی محكمه يه جلي لازم كله جكنى ويمن ويردريه جكنى وشكرينك بواچهي مطالبه يه حق اولديغي بالادعا ديوان استيفافه مراجعت ايتش ايسه ده خصوص مدعا بشيك غروشدن دون بولنديغندن قابل استيفاف اولنديغه قرار وريش اولديغي مبن بولمشدر

مرقوم اصدورك ۲۳ ربيع الاول سنه ۹۰ تاريخي لايحه اعتراضيه سي ايكي ماده دن عبارت اولوب برنجيسى فراتلى يه اولقدار دينى وارايسه دنك سندی تركيه اولديغي كيه مبلغ مزبور مقابلنده مرقومه كنده كوندرمىش اولوب شكرينك اراز ايلديكي سند ايسه عربى العبارة ساخته برسند اولنديغندن كيفيتك باب ضبطيه يه حواله سي لازم كله جكنى وانجيسى قبول ايتديكي درجه اولى اعلامك كندوسنه تبليغ تاريخندن اعتباراً مهل تميز مرور ايتش ايسه بوكا ديوان استيفافك وقت وزمانيله استدعاسنى رد ايتماسى سبب اولنديغندن ديوان استيفافه اضاعه ايديلان زمانك محبوب اولنوب كيفيتك تميزيله اعلام مذكورك تقضى افاده سنى حاويدر

شكرينك ۲۱ ربيع الاول سنه ۹۰ تاريخي لايحه جوابيه سي مفادى دخی مرقوم اصدور درجه اولى محكمه سنه سنه كى امضاسنى اقرار ايلديكي كيه اجرا جهمته دخی مبلغ مزبورك اداسنى تعهد ايتش صكره برطاق واهي ادعا ره قيام ايتش اولنديغندن بحشه اعلام مذكورك تصديق استدعاسندن عبارتدر

طرفين ۵ جهادى الاول سنه ۹۰ تاريخنده دائره يه جلب واستجواب اولندقه هر برى لايحه سي مندرجاتنى تكرار ايتمشدر

كيفيت لى المذاكره اصدورك اعتراضى كندوسنك

فراتالی به ویردیکی سندترکه اولوب شکرینک یدنده
بولنان عربی العبارة سند وسندده کی امضا کنندوسنک
اولدینغی و فراتالی به اولان دینی مقابلنده فراتالی ایله
محاسبه سی بولدیغی قضیه نری ایسه ده درجه اولی
اعلامنده محرر اولدینغی اوزره بدایه جریان ایدن
محاسبه سند مرقوم اعدور سند مبحث عننده
بولنان امضاسنی تصدیق ایتش ایکن شمدی تحویل
لسان ایله امضاسنی انکار ایتسی واهی اولدینغی
کبی فراتالی ایله محاسبه سی اولدینغه دائر اولان
ادعاسی دخی شخص ثالث بولنان شکرکی حقنده
غیر وارد بولندیغه بناء مرقومک اعتراض مشروعی
اسباب نقضیه دن اولوب درجه اولی و دیوان استیناف
قرارزی بولنده بولمغله بایمصدق حکمنک اجراسنه
واعلام وتبلغ خرجی اولان اوتوز بر غروش ایله
اوج بیاض مجدیغه نك اصدوره رجوع ایتک اوزره
شکریدن استیفاسنه قرار ویریلوب صورت قرار
طرفینه تفهیم اولندی

تمیز حقوق دائره سندن ویریلان اعلام
صورتیدر

بکقوز ساکنلرندن بانقجی عثمان رئیس ایله
اناطولی حصاری ساکنلرندن حاجی مصطفی
رئیس بیننده تکیون ایدن ضرر وزیان دعواسنه
دائر بکقوز موقع محکمه سندن اعطا اولنان ۴ صفر
سنه ۹۰ تاریخی اعلامک تمیزی مسدعی
مرقم مصطفی رئیس ویرمش اولدینغی ۱۰ ربیع الآخر
سنه ۹۰ تاریخی عرضحال تمیز حقوق دائره سنه
حواله اولمغله طرفینک لایحه زیله برلشدیریلرک
مطالعه اولندی

اعلام مذکورک مالی مرقوم عثمان رئیس کچن
سکسان سکر سنه سی کانون ثانینک اون ایکنجی
جمعه کونی ارنود کونی اوکنده بالی صیدی
ایچوآن غلرینی ذکره ایدینغی متعاقب مصطفی

رئیس دخی اورایه کلوب مغایر عرف وعادت
اوله رق آغلرینی اوزرینه ایتسیله کندی اغلرینه
یوکلنه رک یوز یکره یشر غروش قیمتی اوج و یوز
غروش قیمتی بش عددکه سکر یوز التمش
غروشلق سکر عدد آغی تنف اولدینغدن بحثله
بدلنک مصطفی رئیس تضمین ایتدیرلسنی استماع
ایتمش و مرقوم مصطفی رئیس دخی عثمان رئیسک
اغلری محل مذکورده ذکر ایچنده ایلشکن تعبیر
اولنور طاش وچالی کبی شیلره طولاشه رق تاف
اولدینغی و اوئشاده کندی قایغیله عثمان رئیسک
قایغی اره سی پک اچیق ایدوکندن بوضایعاته
کندوسی سبب عد اولنه میه جغنی بیان ایتش
ایسه ده اجرا اولنان تدقیقاتده عثمان رئیسک یوم
مذکورده اتمش اولدینغی اغلر قناله طوتیلوب
کیدرکن مصطفی رئیسک اوکنندن ظهور ایله
ایدینغی اغلر یوزده کی اقدیلله عثمان رئیسک اغلرینه
یوکلنه رک بولنرک تضییقندن ائنده اولان اغلرک
قایغه باغلی ایی قومغله ذکره دوشوب تلف
اولدینغی امین رئیس ایله دیگر امین رئیس طرفندن
شهادت و اخبار وقناله طوتیلوب کیدن برقایق
بولنده بالی صید ایتک استیان آخر برقایق اولکی
قایغی بکایوب اوقایق کچسکدن صکره آغلرینی
ذکره اتمق عرف وعادت بلده اقتضاسندن ایدوکی
بانقجیلر کتخداسی طرفندن لدی السؤل بیان
وتذکار اولنوب شوحالده مرقوم مصطفی رئیسک
عرف وعادته عدم رعایتله مبحث عنه اولان اغلرک
تلفنه سبب اولدینغی متحقق اولمش و مذکور اغلرک
قیمتی اهل خبره دن بعدالتدقیق یدیموز التمش غروش
تقدیر اولمش اولدینغدن مجله احکام عدلیه نك
۹۲۲ ماده سی موجبجه مبلغ مزبورک مصطفی
رئیسدن تحصیلنه حکم اولندیغی میندر
مصطفی رئیسک ۹ ربیع الاول سنه ۹۰ تاریخی
(بقیه سی صکره)